



## KENYATAAN MEDIA

### **PENYERTAAN TEAM MAS PARA DUBAI 2025 ASIAN YOUTH PARA GAMES & 13<sup>TH</sup> ASEAN PARA GAMES, NAKHON RATCHASIMA, THAILAND 2025 DAN PENGUMUMAN CHEF DE MISSION KEDUA-DUA TEMASYA**

Majlis Paralimpik Malaysia (MPM) telah mengadakan mesyuarat penyelarasan bersama Majlis Sukan Negara (MSN) dan Institut Sukan Negara (ISN) untuk membuat persiapan bagi penyertaan Team MAS Para dalam Dubai 2025 Asian Youth Para Games (AYPG) & 13<sup>th</sup> ASEAN Para Games, Nakhon Ratchasima, Thailand 2025 (APG). Pada masa yang sama, MPM telah mengumumkan pelantikan Ketua Kontinjen Malaysia (Chef de Mission – CdM) bagi kedua-dua temasya.

AYPG Dubai 2025 akan berlangsung dari 7 hingga 14 Disember 2025 di Dubai, United Arab Emirates (UAE). Malaysia akan bertanding dalam 10 dari 11 jenis sukan yang ditawarkan:

- Para Memanah
- Para Olahraga
- Para Badminton
- Para Powerlifting
- Para Renang
- Para Taekwondo
- Para Ping Pong
- Bola Keranjang Berkerusi Roda
- Boccia
- Goalball

Encik Joshua Edgar, Naib Presiden MPM diumumkan sebagai Chef de Mission (CdM) bagi Kontinjen Malaysia ke AYPG.

Sementara itu, bagi 13<sup>th</sup> ASEAN Para Games, Nakhon Ratchasima, Thailand 2025 (APG) yang akan berlangsung dari 20 hingga 26 Januari 2026 di Nakhon Ratchasima (Korat), Thailand. Malaysia akan mengambil bahagian dalam 19 jenis sukan berikut:

- Memanah
- Olahraga
- Badminton
- Bola Sepak Orang Buta (Blind Football)
- Boccia
- Catur
- Berbasikal

- Bola Sepak CP
- Goalball
- Judo
- Powerlifting
- Menembak
- Bola Tampar Duduk
- Renang
- Ping Pong
- Bola Keranjang Berkerusi Roda
- Lawan Pedang Berkerusi Roda
- Tenis Berkerusi Roda
- Boling

Encik Mohd Zarrawi Ravi bin Abdullah, Presiden Persatuan Olahraga Para Malaysia diumumkan sebagai Chef de Mission (CdM) bagi Kontinjen Malaysia ke APG 2026.

Langkah selanjut ialah untuk membuat pemilihan atlet yang layak untuk bertanding dalam kedua temasya tersebut. Pemilihan akan dibuat mengikut kriteria secara telus bagi kedua-dua temasya.

Bagi AYPG, keutamaan akan diberi untuk atlet muda yang cemerlang dalam Para SUKMA 2024 yang lepas. Mereka merupakan pelapis generasi baru yang akan diserapkan dalam skim pembangunan MSN jika mereka mempunyai potensi.

Manakala untuk APG, atlet dari skim pembangunan MSN yang sedia ada akan diberi keutamaan untuk mereka membuktikan kehandalan mereka bagi sokongan selanjut.

**Majlis Paralimpik Malaysia**  
**30 Julai 2025**